

دین غیر اختیاری بر فلسفه ، فلسفه اختیاری بر دیندر

فلسفه محض و عین

معارضه حرمت ، لاقیداره مرحمت

فلسفه اجتماعی :

قانونلرک اعوجاجی [*]

بالخاصه مملکت‌نیزده تمنع ویرکوسنی تحصیل خصوصنده کرک حکومتنک و کرک اهالیکنک برچوق اذیتلر چکمکنده اولدینی شو زمانده تصحیح قوانین ایله مشغول ارباب حقوقه آئیدهکی سطرلرک پت بوبوک بر خدمتی اولسه کرکدر .

اوجنچی نسخه‌دن مابعد وضوک

اوت مستهلکک تأدیه تکالیف ایتمسی نظریه‌سینده واسع بر حصه حقیقت وارددر ؛ شو قدرکه داغما ویرکی مکلف تأدیه ایدر قضیه‌سی دوغری دکلدر ؛ مثلاً وقتاکه فیاتلر دوشر ، چونکه رقابت یاخود مشتریلرده قلت بونی انتاج ایده‌بیلیر ، اوزمان خزینه حکومتنک بار تکالیفی آنجق تاجر تحمل ایدر ... فیاتلر تزايد ایستدیکی زمان ویرکو تکرار مستهلکک اوزرینه ییغیلیر ، و شو صورته بار تکالیف تاجر دن مستهلکک ، متصرف دن مستأجره ، اوسته دن عله‌یه ، و مستهلکدن تاجر ده ، مستأجر دن متصرفه ، عمله دن اوسته یه تبدیل موقع ایدرطورور . بر اؤک ، بر طوبراغک وارداتی اوزرندن تعیین ایدیلن ویرکو سرمایه‌نک استملاکنه معادلدر ؛ چونکه متصرف اووی یاخود اوعرصه‌یه صائمق ایستدیکی زمن وارداتک نقصاتی مشتری‌یه قارشی نظر اعتباره آلفه متصرف مجبور اولور . فقط ثروت غیر منقوله‌نک قیمتی یوکسلدیکی زمان متصرف بر شی غائب ایتیش اولماز .

خلاصه ایشه بوصورته ، طبیعی برطریق منحصراً اوزرنده بار خزینه زنکیکی ترک ایدوب زنکین و مسعود اولمایانلره دوغرو قایار و تحمیل موجودیت ایدرکه بو طرز طرح تکلیفک برظلم اساسی سیدر . بالواسطه تکالیف ایله بالواسطه تکالیفک تقریق و تمیزی ، اداری ، خزینوی ، معنوی و ایسقولوزیق فوائد تأمین ایده‌بیلیر ؛ آنجق بوتفریقک اجتماعی نقطه نظرندن مفید و واضح برمعنای بولنه‌ماز ؛ چونکه بو تقسیم ذاتاً دوغرو دکلدر و چونکه ویرکولرک هبسی آرزوق بالواسطه‌در . مادامک انعطافلری انحراف ایدیور ، مادامک طاغیورلر خلاصه مادامک هیچ بر ویرکونک بر مکلف ثابت و قطعی‌سی یوقدر .

[*] حکمه استیفاء آووقانلرندن « زان قرونه » نک (حیات حقوق و عجز قوانین) - امنده کی کتابندن .

شبهه یوقدرکه واضع قانون مکلف مستهدفی ویرکونک یدلوتی باشقه لرینه آچیق صورتده تحمیل ایتمکدن منع ایدر . فقط بو براز تدبیر بی فائده در ، چونکه ویرکونک انحراف استیقامتی کیفی کیلری در ، خفیدر ، غیر قابل رؤیتدر . مثلاً بتون سیغورطه قومانیالری مشتریلرینک باشنه فضله بر رسم تحمیل ایتمکدن منع ایتمک دیمک ، او قومانیالری مصارف عمومی لرینی « تعرفه » لرینی یوکسلیتمک صورتیه تلافی ایتمکدن منع ایتمک دیمک دکلدر .

خلاصه بر کله ایله دنبله بیلیرکه : ویرکو . . اجتماعاتی تحریک و تنظیم ایدر ، فقط اوکا — تبدیل شکل و ماهیت ایتدیره مز ، و بر جمعیتده مصیب بر ویرکی تصور اولنه مازکه عدل و حقیقتک اوزرینه تأسس ایتمهش اولسون . ویرکونک انحراف انعطافی او زمان منع ایدله بیلیرکه عمله نك اجرتی ، اوسته نك کاری ، اتمه تجاریه نك فیناتی حکومتک نفوذیه عادنا ویرکو طرح ایدلرکی قطعیتله تعیین ایدلیرلر . چونکه هر کسک حصه تمتعی تصدیق ایله تنبیت غیر نمکندر .

واضع قانون بر نص ملیه قانونی نك حضورنده بر محیط اجتماعی نك نه طرز تلقی و حرکت اظهار ایده جکی اولدن تخمین ایدمه مز و بیله مز : بر جمعیت بشریده مجهول و مبهم و بناء علیه انحق فرقه وارینه بیلن بر کتله عناصر وارددرکه انحق بو نص قانونی نك تطبیقیله او کتله عناصرک موجودیتی ، ماهیتی ، طبیعتی ، فطرتی ا کلاشیله جقدر . قانونی اصلاحات پک انی تدقیق و تتبع ایدلش اولسه بیله بر وجود مجهول اوزرنده کی بر عملیه جراحییه بکزر . بناء علیه هر قانونک اعوجاجات تطبیقیه سی وارددر . و تجربه دن نشأت ایتمه ن هر بر قانون محض تجربه در ؟ . یعنی یاییلمغه باشلامش بر تجربه ! . . .

تحریر ابوتی منع ایدن قودسیویل محررلرینک مقصدی نه ایدی ؟ قادی ن هر اغفال محتمله قارشی چوجقی کندیسنه بر افق تهدیدیه قوتلی بولندیرمقدی . حالبوکه قودسیویل بو صورتله آرکی ساده جه تهدید ایتمش اولدی . . . ۳۱۰ » نجی ماده ده بر پسیقولوی خطاسی وارددر . ۱۸۵۰ ده ، اختیارلر ایچون کویلیله ، عملیه ، مأمورلر کوچوک کوچک تودیمات نقدیه ایله تخصیصات تأمین ایتمک مقصدیه بر ملی تقاعد قاصه سی ، تشکیل ایتمشیدی . بو قاصه نك مشتریلرینه بر منفعت موعود ایدی . درحال بر جوق مشتریلر ظهور ایتدی . فقط بونلر ، رفاه حال صاحبی مشتریلردی ، سی بر طاقم سیغورطه قومانیالری ، کندی مشتریلرینه ، — دولتک ضررینه اولاراق — بو قاصه دن — اونلرک نامنه بر قومسیون آلقی صورتیه — تأمین منفعت ایتمک چاره لرینی بولدیلر . . . ۱۸۸۶ ده واضع قانون تجارت حاصله دن مستفید اولاراق تودیماتک عددی تحدید ایتدی ، و بناء علیه مکلفلرک ارزاقی اوزرندن زنکینلره معاونت نقدیه تأمین ایتمک بولنی قایدر .

۱۸۹۳ ده واضع قانون یلکن کی لربنک اجر تیرنی تزید ایتدی : نتیجه سی در حال ظهور ایلدی . بر قاچ سنه ایچنده ، انشآت مالز مه جیلری ، کرسته دستکاهلری او مدت ظرفنده بشون دنیا ده کی مقدارینک ایکی بحق مثلی مقدارنده یلکن کیلیری دکره چیقاردیلر . و بو مدت ظرفنده ، اجرتلره رعماً ، واپورلیمزک سقوط مؤلی باش کوستردی . چونکه بو اجرت اصولی عادتا ، (پارلامان) نک قره ده کی نقلیاتی تزید ایتک ایچون . . دبلیزانس . . لری یکیدن تأسیس ایتیمی قیلندن بر شی ایدی .

۱۸۹۷ ده اجرت اصولی شکر اخراجاتنک لهنه اوله رق یکیدن تأسیس اولندی ، نهایت بو اصول شو نتیجه یی حاصل ایتدی : فرانسه مستهلکنه غایت بهالی به مالک اولان فرانسه شکری انکلتزه مستهلکنه هیچه مال اولیوردی . مملکت ایچون او جوزشکره مالک اوله بیلیمک خصوصنده انک طوغرو واسطه او شکری کندیمی حاصل ایتمه مکدی ... نهایت بو غریبه (۱۹۰۲) ده اجرت اصولنک لغویله اورته دن قالدی .

قادیلرک و جوجقارک استخدام ایدلرکی مؤسساده کونده لکارک تحدید ایدیلسی بویوک بر مقیاسده عملک ، چراقلق بحر انلرینی خلق و تأسیس ایتدیه بیله تزید ایتدی : قانونک تطبیقات و تعقیباتدن قور تولقی ایچون جوجقارک ایشارندن طرد ایدیلسی بر تدبیر عمومی ماهیتنی اخذ ایتدی . ۱۹۰۲ قانونی قومونلره مضراصحه مسکنلرک و محل حیات و تحت عمللرک استمالکی حقی بخش ایتدی . فقط کندی کندیمزه صوره بیلیرزکه کثیرالمقدار بر استمالک تضمیناتی آلق آرزوسی بعض مالک صاحبیلرینک وجداننده کراجیلرینک سختی یکی او ایدینوب تأمین ایلک مقصدیه تعارض ایتمه مشمیدر ؟

شمالی آمریکانک بعض مملکتلرنده « آلقولیزم » ی منع ایتک ایچون ایچکی بیع و شراعی منع ایدلدی . فقط در حال ایچکی صانان اجزاخانلرک چوغالدیغی کوردی و شیمدی حالا بر طاقم مؤسساده ایچکی صاتیلوب طور ییور . حالوکه او مؤسسات وقتیه قطعاً ایچکی صاتیبورلردی . روسیه ده ایچکی بیع و شراعی اوئل ماهیتنده اولرک او طه لریته حصر ایدلدی . بونک اوزرینه بر چوق میخانلر ایچکی صاابیلیمک ایچون عومخانه لره انقلاب ایلدی .

بناعلیه بر قانونده ، او قانونک فعلیات و تطبیقاتی اجرا ایدلزدن اول نه ماهیتده نتایجک مندیج اولدیغی تعیین ایتک غیر ممکندر .

بونکله برابر محاذیرسز قانونلر موجود اولسه یدی اونلر بر نوع خارقه اولورلر و جمعیت بشریه یی مافوقدن کلن بر اراده آمربه منقاد بر ماده ییروح فرض ایلک ایجاب ایدردی .

مدحت جمال